

JAMHURIYADDA		SOMALILAND
FAAFINTA RASMIIGA AH		
SOMALILAND REPUBLIC OFFICIAL GAZETTE		النشرة الرسمية لجمهورية صوماليلاند
XAFIISKA GARYAQANKA GUUD EE QARANKA JSL, HARGEYSA		
<i>E-mail: <a href="mailto:Garyqaankaquud@gmail.com">Garyqaankaquud@gmail.com</a></i>		
Sanadka: 3aad	Cadadka: 7aad ee July	Taariikh: 02/08/2014
QIIMAH CADADKA: SL. Sh.		
RUKUNKA (Subscription):		
QIIMAH FAAFINTA AAN DAWLIGA AHAYN ee Qaybta Shanaad: Sadarkii Boggii kastaaba SL. Sh.		
<b>TUSMADA CADADKA</b>		
<u>QAYBTA KOWAAD:</u> XEERARKA <b>BAARLAMAANKA IYO XEER</b> <b>NIDAAMIYAYAASHA:</b> <ul style="list-style-type: none"> <li>1) SOOMA BIXIN</li> </ul>		
<u>QAYBTA LABAAD:</u> XEER <b>NIDAAMIYAYAASHA</b> <b>IYO</b>		
<b>DIKREETOYINKA</b> <b>MADAXWEYNAHA:</b> <ul style="list-style-type: none"> <li>2) <u>XEER MADAXWEYNE</u> Lr: 0403/072014 Aasaasidda Ciidanka Dab-Dmiska</li> </ul>		

<p>Qaranka</p> <p>3) <u>XEER MADAXWEYNE Lr: 0402/072014</u> Magacaabid Gobol</p> <p>4) <u>XEER MADAXWEYNE Lr: 0404/072014</u> Magacaabid</p> <p>5) <u>XEER MADAXWEYNE Lr: 0405/072014</u> Magacaabid</p> <p>6) <u>XEER MADAXWEYNE Lr: 0406/072014</u> Magacaabid</p> <p>7) Xilka Qaadis; 07/2014</p> <p>8) <u>XEER MADAXWEYNE Lr: 0407/072014</u> Magacaabid</p> <p>9) Xilka Qaadis; 07/2014</p> <p>10) Xilka Qaadis; 07/2014</p>	 <p>196 198 199</p> <p>200</p> <p>202</p>
<p><b><u>QAYBTA SADEXAAD: DIGREETOOYINKA,</u></b></p> <p><b>WAREEGTOOYINKA, AMARADA &amp; XEER</b></p> <p><b>NIDAAMIYAYAASHA</b></p> <p><b>WASIIRADA, IWM</b></p>	
<p>11) SOOMA BIXIN</p> <p><b><u>QAYBTA AFRAAD: AMARADA &amp;</u></b></p> <p><b>GO'AANADA MAAMUL</b></p> <p>12) Amar Xayiraad; Maxkamada Degmada Hargeysa</p> <p>13) Qaraar Xayiraad Maxkamadeed; Maxkamada Gobolka Awdal</p> <p><b><u>QAYBTA SHANAAD: OGEYSIISYADA</u></b></p>	

14) SOOMA BIXIN



**QAYBTA LABAAD:**  
**XEER NIDAAMIYAYAASHA IYO**  
**DIKREETOYINKA MADAXWEYNAHA:**


REPUBLIC OF OMALILAND



THE PRESIDENT

JSL/M/XERM/249-2619/072014

DATE ... 05/07/14



**XEER MADAXWEYNE Lr:0403/072014**

**Aasaasidda Ciidanka Dab-Demiska**

**Qaranka**

**Madaxweynaha Jamhuuriyadda Somaliland**

**Markuu arkay:**

Qodobka 76aad ee  
Xeerka is-maamulka  
Gobollada iyo  
Degmooyinka Xeer  
Lr.23/2007;

**Markuu arkay:**

Khatarta baaxadda leh  
uu dalka iyo dadka ku  
hayo dabku;

**Markuu arkay:**

In ay daruuri tahay in  
la helo cid  
masuuliyadi si gaar  
ah uga saran tahay la  
dagaalanka dabka;

**Markuu garawaaqsaday:**

In loo baahan-yahay  
cid si gaar ah ugu  
xilsaaran la  
dagaalanka dabka, ka  
tala-bixinta iyo isku  
duwidda hawlaha a  
tacaalidda dabka;

### **Markuu hubsaday:**

In Qaranku u baahan-yahay eid si gaar ah ugu xilsaaran la dagaalanka dabka, ka tala-bixinta iyo isku duwidda hawlaha la xidhiidha la dagaalanka iyo ka hortagga dabka;

### **Markuu six eel dheer:**

Ula tashaday dadwaynaha iyo laamaha dawladeed ee ay khuseyso;

### **Wuxuu soo saaray;**

### **Qodobka 1aad Aasaas Dab-damiska**

Waxa halkan lagu Aasaasay Ciidanka Dab-Demiska Qaranka oo leh Qofnimo Qaanuuneed, xaruntiisuna tahay Caasimadda Jamhuuriyadda Somaliland, laaman ka furan Kara Gobollada dalka, kaas oo hoos imanaya Ciidanka Booliska oo ku le awoodaha kala ah:

1. Helidda warbixinada shaqada, maaliyadda, qiimaynta la socodka siyaasadda, halbeegyada iyo tilmaamaha guud ee Xukuumadda, baabi'inta ku xad-gudubka maamulka iyo awoodda iyo u gudbinta Xukuumadda Dhexe odoraska Miisaaniyadda.
2. AWoodda kala hormarinta qorshayaasha oo mudnaanta lagu kala siinayo qorshayaasha.

### **Qodobka 2aad Ujeedad Dab-damiska**

Ujeedada Dab-demisku waa inuu ka badbaadiyo bulshada kahtarta dabka.

**Qodobka 3aad**  
**Xilka iyo Waajibaadka**



Xilka iyo waajibaadka Ciidanku waa:

1. Dejinta qorshayaal iyo cilmi-baadhisaha lagama-maarmaanka u ah horumarinta ujeedooyinka iyo hababka ka hortagga iyo xakamaynta dabka, iyada oo loo eegayohorumarinta xaga wershedaha iyo dhismaha.
2. Si degdeg ah uga jawaabidda marka ay dhacaan Shilalka dabku si loo yareeyo khasaarahooda xaga Nafta iyo Maalkaba iyada oo lala xidhiidhayo hay'adaha kale ee ay khusayso.
3. Fulinta iyo dabagalka qorshayaasha iyo hababka gaarka u ah hawlahaa dab-demiska iyo badbaadinta dadka iyo hantida.
4. Fulinta iyo dabagalka qorshayaasha iyo hababka gaarka u ah hawlahaa dab-demiska iyo badbaadinta.
5. Fidinta wacyi-gelina ka hortaga khataraha dabka iyo shilalka iyada oo loo marayo warbaahinta si loo xaqijiyo ujeedooyinka ka hortagga dabka.
6. Dejinta, rakibaadda iyo dayactirka hab-tilmaama (fire alarm) marka dab kaco iyo qalab lagu damiyo dabka.
7. Diyaargaraynta iyo fulinta talaabo kasta oo kale oo looga golleeyahay xaqijinta ka horttagga dabka iyo suulinta dhibaatadiisa.

**Qodobka 4aad**  
**Awoodaha Dab-damiska**

1. In ay galaan goobaha dabku ka kaco iyaga oo dhawraya xurmada hoyga.
2. In ay la wareegaan hantida guurtada ah e lagama maarmaanka u noqota xakamaynta dabka.

3. Ka saarida dadka ku xeeran goobta/goobaha dabku ka kaco.
4. Hagidda hawlaha gurmadka iyo badbaadinta ee lagula tacaalayo dabka.



### **Qodobka 5aad** **Qaab-dhismedka Ciidanka Dab-damiska**

Qaab-dhismedka Ciidanka Dab-damiska waxa loo raacaya habka Ciidanka Booliiska Jamhuuriyadda Somaliland.

### **Qodobka 6aad**

#### **Xilka iyo Waajibaadka Taliyaha Ciidanka Dab-damiska**

Xilka iyo waajibaadka ciidanka dab-damisku waa:

1. Hogaaminta, Ciidanka iyo hawlaha gurmadka Dab-damiska.
2. Dejinta iyo horumarinta halbeegyada lagama-maarmaanka u ah ka kortagga iyo la dagaalanka Dab-damiska.
3. Dejinta qorshayaal lagu kobcinayo, isla markaana kor loogu qaadayo aqoonta iyo xirfadaha lagula dagaalamo dabka.
4. U gudbinta hay'adaha ay khusayso warbixinta iyo talooyin la xidhiidha khatarta dabka e dadka soo foodsaari karta.
5. Diyaargaraynta miisaniyada Ciidanka dab-damiska iyo u gudbinta Hay'adaha ay khusayso.

### **Qodobka 7aad**

#### **Xilka iyo Waajibaadka Taliyaha Ku-xigeenka** **Ciidanka Dab-damiska**

Xilka iyo waajibaadka Taliye Ku-xigeenka waa:

1. Ka gacnsiinta taliyaha Ciidanka Dab-damsika gudashada Xilkiisa.
2. Hogaaminta waaxda ama waaxaha uu u xilsaaro hogaaamintooda.

3. Qabashada xilkiisa marka uu maqan yahay ama uu sabab kale u gudankari waayo xilkiisa.

**Qodobka 8aad**  
**Hogaamada Ciidanka**



Qaybaha ay ka koobnaanayaan Hogaamada Ciidanka, xilka iyo waajibaadkooda waxaa qeexata Taliyaha Ciidanka Booliska.

**Qodobka 9aad**  
**Magacaabista Taliyaha iyo Taliye Ku-xigeenka**  
**Ciidanka Dab-damiska**

Taliyaha iyo Taliye Ku-xigeenka Ciidanka Dab-damiska waxaa soo magacaabaya Taliyaha Ciidanka Booliska marka uu la tashado Wasiirka Wasaaradda Arrimaha Gudaha.

**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



**THE PRESIDENT**


JSL/M/XERM/249-2613/072014

DATE ... 05/07/14

**XEER MADAXWEYNE Lr:0402/072014**

**Magacaabid Gobol**

## **Madaxweynaha Jamhuuriyadda Somaliland**



Markuu arkay:

Qodobka 109aad,  
faqradiisa 3aad  
Dastuurka  
Jamhuuriyadda ★  
Somaliland;

Markuu Arkay:

Qodobka 10aad ee  
xeerka Gobollada iyo  
Degmooyinka oo  
tilmaamaya wax ka  
beddelidda Qaab-  
dhismeedka Dalka;

Markuu Tixgeliyey:

Codsiyada ka yimid  
Madax-dhaqmeedyada,  
Waxgaradka, Culimada  
iyo Odayaasha  
Deegaanada;

Markuu Dhegeystay:

Soo jeedinta Wasiirka  
Wasaaradda Arrimaha  
Gudaha;

Markuu Ku Qancay:

In maamulada loo  
dhaweyyo shacbiga oo  
hoos loo daadajiyo;

### **Wuxuu Go'aasaday;**

In uu u magacaabo Gobolka Xaysimo oo magaalo madax u tahay Taleex, oo ka Koobnaan doona Degmada Sarmaanyo, Degmada Xalin, Degmada Carroolay iyo Degmada God-aalo.

**Allaa Mahad Leh,**

**Axmed Maxamed Silanyo**

**Madaxweynaha Jamhuu**

**REPUBLIC OF**



**Somaliland**

**OMALILAND**

## THE PRESIDENT

JSL/M/XERM/249-2622/072014

DATE / 05/07/14



## XEER MADAXWEYNE Lr:0404/072014

### **Magacaabid**

#### **Madaxweynaha Jamhuuriyadda Somaliland**

- Markuu Arkay: Qodobka 90aad, Faqradiisa 2aad ee Dastuuka Jamhuuriyadda Somaliland;
- Markuu Tixgeliyey: Ahmiyadda weyn ay Wasaaraduhu u leeyihiin Dalka iyo Dhismaha Qaranka;
- Markuu Arkay: In baahi loo qabo buuxinta jagada Wasiirka Wasaaradda Xidhiidhka Goleyaasha, Cilmi Baadhista iyo Technology-yadda ee JSL;
- Markuu Ka Fiirsaday: Kartidiisa, aqoontiisa iyo hufnaantiisa shaqo;
- Markuu ku Qancay: In uu hanan karo xilkan loo magacaabay;

## **Wuxuu Go'aasaday:**

In Mudane, Cali Xaaamud Jibriil, laga bilaabo taariikhda manta uu ahaado Wasiirka Wasaaradda Xidhiidhka Goleyaasha, Cilmi Baadhista iyo Technology-yadda ee Jamhuuriyadda Somaliland.

**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



**THE PRESIDENT**

JSL/M/XERM/249-2624/072014

DATE ... 07/07/14

**XEER MADAXWEYNE Lr:0405/072014**

**Magacaabid**

**Madaxweynaha Jamhuuriyadda Somaliland**

Markuu Arkay: Qodobka 90aad, Faqradiisa  
2aad ee Dastuuka  
Jamhuuriyadda  
Somaliland;

Markuu Tixgeliyey: Ahmiyadda weyn ay  
Wasaaraduhu u leeyihiin

Dalka iyo Dhismaha  
Qaranka;



Markuu Arkay: In baahi loo qabo buuxinta  
jagada Wasiirka ku-  
xigeenka Wasaaradda  
Kalluumaysiga iyo  
Khayraadka Badda ee JSL;

Markuu Ka Fiirsaday: Kartidiisa, aqoontiisa iyo  
hufnaantiisa shaqo;

Markuu ku Qancay: In uu hanan karo xilkan;

**Wuxuu Go'aasaday:**

In Mudane, Cabdi-Kariin Axmed Mooge, laga bilaabo taariikhda maanta uu ahaado Wasiir ku-xigeenka Wasaaradda Kalluumaysiga iyo Khayraadka Badda ee Jamhuuriyadda Somaliland.

**Allaa Mahad Leh,**

**Axmed Maxamed Silanyo  
Madaxweynaha Jamhuuriyadda Somaliland**



**THE PRESIDENT**

JSL/M/XERM/249-2625/072014

DATE ... 07/07/14

**XEER MADAXWEYNE Lr:0406/072014**



## Magacaabid

**Madaxweynaha Jamhuuriyadda Somaliland**

- Markuu Arkay: Qodobka 90aad, Faqradiisa 3aad ee Dastuuka Jamhuuriyadda Somaliland;
- Markuu Tixgeliyey: Ahmiyadda weyn ay La-taliyayaasha Madaxweynuhu u leeyihiin Dalka iyo Dhismaha Qaranka;
- Markuu Arkay: In baahi loo qabo buuxinta jagadan;
- Markuu Ka Firsaday: Kartidiisa, aqoontiisa iyo hufnaantiisa shaqo;
- Markuu ku Qancay: In uu hanan karo xilkan;

### **Wuxuu Go'aasaday:**

In Mudane, Maxamed Iid Dhinbiil, laga bilaabo taariikhda maanta uu ahaado La-taliyaha Madaxweynaha ee arrimaha Bulshada ee Jamhuuriyadda Somaliland.

**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



**THE PRESIDENT**

JSL/M/XERM/249-2627/072014

DATE ... 07/07/14

Ku: Mudane, Yuusuf Jaamac Buraale  
La-taliyihii Arrimaha Bulshada ee Hore ee  
Madaxweynaha JSL

Ujeedo: Xil-ka Qaadis

Mudane,

Waxaan kaaga mahadcelinayaa mudadii aad soo haysay xilka La-taliyaha Arrimaha Bulshada ee Madaxweynaha Jamhuuriyadda Somaliland. Xilalka Qaranka ayay dabcigeeda tahay in ay meerto noqoto oo kolba cid hanan karta loo dhiibo.

Sidaas darteed, waxaan gartay in aan kaa qaado xilka La-taliyaha Arrimaha Bulshada ee Madaxweynaha Jamhuuriyadda Somaliland.

**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



## THE PRESIDENT

JSL/M/XERM/249-2643/072014

DATE 12/07/14



XEER MADAXWEYNE Lr:0407/072014

## **Magacaabid**

### **Madaxweynaha Jamhuuriyadda Somaliland**

- Markuu Arkay: Qodobka 90aad ee  
Dastuuka Jamhuuriyadda  
Somaliland;
- Markuu Arkay: Qodobka 110aad ee  
Dastuurka Jamhuuriyadda  
Somaliland,
- Markuu Tixgeliyey: Ahmiyadda ay  
Gudoomiyayaasha  
Gobolladu u leeyihiin  
dhismaha Qaranka,
- Markuu Aqoonsaday: In baahi loo qabo buuxinta  
jagadan;
- Markuu La Tashaday: Wasiirka Wasaaradda  
Arrimaha Gudaha  
Jamhuuriyadda  
Somaliland,

**Wuxuu Go'aasaday;**

In Mudane, Cali Cawil Cabdi laga bilaabo taariikhda manta uu ahaado Gudoomiyaha Gobolka Daad-madheedh ee Jamhuuriyadda Somaliland.

In Mudane, Maxamud Cali Axmed laga bilaabo taariikhda manta uu ahaado gudoomiye Ku-xigeenka Gobolka Daad-madheedh ee Jamhuuriyadda Somaliland.



**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



**THE PRESIDENT**

JSL/M/XERM/249-2644/072014

DATE ... 12/07/14


Ku: Mudane, Jamaal Xuseen Hurre  
Guddoomiyihii Hore ee Gobolka Daad-madheedh

Ujeeddo: Xil-ka Qaadis

Mudane,

Waxaan Kaaga Mahadinaya Mudadii aad soo haysay xilka Guddoomiyaha Gobolka Daad-madheedh ee Jamhuuriyadda Somaliland. Xilalka Qaranka ayay dabcigeeda tahay in ay meerto noqoto oo kolba cid hanan karta loo dhiibo.

Sidaas darteed, waxaan gartay in aan kaa qaado xilka Gudoomiyaha Gobolka Daad-madheedh ee Jamhuuriyadda Somaliland.



Haddaba, waxaan kaa rajynayaa in aad si niyad sami ah ugu wareejiso xilka aad haysay Mudane, Cali Cawil Cabdi oo aan xilkaa isaga ah u magacaabay.

**Allaa Mahad Leh,**

**Axmed Maxamed Silanyo**  
**Madaxweynaha Jamhuuriyadda Somaliland**



**THE PRESIDENT**

JSL/M/XERM/249-2645/072014

DATE ... 12/07/14

Ku: Mudane, Faarax Cabdi Xasan  
Guddoomiye Ku-xigeenkii Hore ee Gobolka Daad-madheedh

Ujeeddo: Xil-ka Qaadis

Mudane,

Waxaan Kaaga Mahadinayaan Mudadii aad soo haysay xilka Guddoomiye ku-xigeenkii Gobolka Daad-madheedh Jamhuuriyadda Somaliland. Xilalka Qaranka ayay dabcigeeda tahay in ay meerto noqoto oo kolba cid hanan karta loo dhiibbo.

Sidaas darteed, waxaan gartay in aan kaa qaado xilka Gudoomiye ku-xigeenkii Gobolka Daad-madheedh ee Jamhuuriyadda Somaliland.

Haddaba, waxaan kaa rajynayaa in aad si niyad sami ah ugu wareejiso xilka aad haysay Mudane, Maxamuud Cali Axmed oo aan xilkaa isaga ah u magacaabay.

Allaa Mahad Leh,

Axmed Maxamed Silanyo

Madaxweynaha Jamhuuriyadda Somaliland

## QAYBTA AFRAAD:

# **AMARADA & GO'AANADA MAAMUL**

JAMHUURIYADA SOMALILAND



### **MAXKAMADDA DEGMADA HARGEYSA**

MDH/DML/134/2014

29/06/14

Ku: Idaacadda Radio Hargeysa

Ku: Dhamaan Warbaahnta Madaxa Banaan

Ku: Maayrka Caasmadda Hargeysa

Ku: Agaasmaha Waaxda Dhulka ee Dawlada Hoose

Ku: Taliyaha Saldhiga Cabd Iidaan Ee Hargeysa

Ku: Maayrka ku Xigeenka Caasimadda Hargeysa

Ku: Xog hayaha Dawladda Hoose Hargeysa

Ku: Xafiska Nootayooyinka Hargeysa

Ku: Xafiiska Garyaqanka Guud

**UJ: - Amar Xayraad Beer Dhaxal ah ku taala  
Degmada 31may Xafada sh.Nuur**

Maxkamadda Degmadda Hargeysa

Markay Aragtagay:-

Arjga Codsga ah Ee uu  
Maxkamadda u soo qortay  
Yuusuf Cabdi Jaamac kuna  
Codsanaayo in loo Xayiro  
Beerta Dhaxalka ah Ee ka  
dhaxaysa Cabdi Jaamac iyo  
Hassan Haybe oo ilma Bah  
Xaali Beertaan oo  
Jihooyinkeedu kala yihiin.

Bari.....Beerta ilma Suudi

Galbeed.....Beerta ilma qalinle

Koonfur.....Buur

Waqooyi.....Waddo

Dhulkaasi oo ku yaala Degmadda Ib/koodbuur

Maxkamadu Waxay u Cuskatay Xayiraadan Qod:  
294 295. 296 XHM.

Asbaabta Sare ku xusan iyo qodobada sharci Ee  
sare ku xusan Darteed waxay Maxkamadu laga  
bilaabo manta 29/06/2014 Xayiraad Saartay  
beertan dhaxalka ah ku taala Degmadda 31may Ee  
jihooyinkeeduna sare ku xusan yihiin in aan la iibin  
Karin la rahmi Karin la kirayn Karin la dhisi Karin  
sifo kalana loo badali Karin Ilaa amar danbe  
maxkamadda ka soo baxayo

ALLAA MAHAD LEH

C/raxmaan Maxamed Mowliid

Gudoomiyaha Maxkamada Degmada Hargeysa

Kaaliye: khadra Xasan Nuux



**JAMHUURIYADA SOMALILAND**

**MAXKAMADDA GOBOLKA AWDAL**

SUM/MGA/DML/02/91/2014                      17/07/2014.

KU: TALIYAH A SALDHIGA DHEXE EE POLICEKA  
DEG/                                                    BORAMA.

OG: QAREEN DACWOODAHA MAXAMED YUUSUF  
CAYNAAN

OG: WAKIIL DACWAYSANAHA KHADAR XASAN  
MAXAMED

OG: TALIYAH A QAYBTA GOBOLKA AWDAL  
BORAMA

OG: XEERILAALIYAH GOBOLKA AWDAL

OG: TALIYAH A XABSIGA EE DEGMADA  
BORAMA

OG: TALIYAH A ASLUUBTA                            JSL  
HARGEYSA

OG: GARYAQAAANKA GUUD EE QARANKA JSL  
HARGEYSA

**UJEEDO: QARAAR XAYIRAAD MAXKAMADEED.**

MAXKAMADDA GOBOLKA AWDAL:



MARKAY ARAGTAY:	Gal dacwadeedka madaniga ah ee sumadiisu kor ku xusan tahay.
MARKAY ARAGTAY:	Arjiga codsi xayiraad ee ku taariikhaysan 15/7/2014 ee uu maxkamada gobolka awdal usoo gudbiyaw xeerilaaliyaha gobolka awdal kuna codsanaayo in la xayiro beerta uu soo dhex galaha ka yahay dacwadeeduna ka socoto maxkamadda ay na isku hayaan labada dhinac ee kor ku xusan kuna sheegay arjigiisa in beertaa la qodaayo waxna laga qabanaayo.
MARKAY ARAGTAY:	qodobada 293,294,295 XHM

### **WAXAY QARAARISAY SIDAN:**

1. Waxay xayirtay beerta ay dacwadu ka socoto ee ay isku hayaan labada dhinac ee aan kor kusoo sheegnay xeerilaalintuna uu soo dhex galay isagoo ku dacwiyaaya inay goobtaasi tahay beertii ciidanka asluubta lahaan jirtay , beertaasi oo ku taala seeraha boorama jihoyin keeduna yihiin BARI: beerta guulwada yaasha GALBEEDE: beerta axmed yabaal KOOFUR ‘beerta cawaale

bustaale, WAQOOYI' beerta daahir ciisood iyo cali nageeye.

2. Beertaasi way xayiran tahay lama qodi karo, lama iibin karo, laman hibayn karo, sifana kalena looma badali karo, inta ay maxkamadu dacwadeedu go"aan ka soo sarayso.
3. Taliyaha saldhiga dhexe ee Degmada Boorama waxa lagu amrayaa inuu la socdo dhaqan galka xayiraada.
4. Garyaqanka Guud Ee Qaranka waxan ka codsanaynaa inuu kazoo qayb galoo dhagaysiga dacwada ama cid usoo wakiisho, maadaama ay khusayso dan guud.
5. Waxa la mudeeyay dhagaysiga dacawada 09/08/2014., waxana la faraya dhinacyada inay mudadaa diyaar soo noqdaan.
6. Qaraarkan waxa la soo saaray manta oo bishu tahay 17/07/2014.

C/RAXMAAN ROOBLE BARRE  
GUDOOMIYAH A MAXKAMADA GOBOLKA AWDAL  
BORAMA